

四庫全書

史部

欽定四庫全書

史部

欽定大清會典則例卷一百二十九

詳校官檢討臣劉 炳

編修臣程嘉謨覆勘

總校官原任中允臣王燕緒

校對官中書臣朱 炳

謄錄監生臣陳昌敬

欽定四庫全書

欽定大清會典則例卷一百十九

兵部

車駕清吏司

馬政

一八旗牧馬原定八旗及內府三旗佐領下額
設馬駝每年由部酌定留京並出場各數繕摺
奏

聞並開列副都統職名每翼各

簡用二人於立夏後四日率領官兵陸續趕赴口外
牧場擇水草豐茂之處加意牧放若照管不周
致有闕少著落副都統以下各官賠補其實繫
殘廢倒斃者馬扣存三月錢糧駝扣存四月錢
糧買補如價有不敷準於公用銀內動支至出
場官兵均聽副都統管轄在場馬駝亦聽副都
統分撥官兵牧放進口日期統於八九月間該

副都統豫行報部○又定八旗出場馬駝口內
每站各給空草一束回日進口每站仍各給空
草一束均由部移咨戶部委司官一人監給○
康熙二十六年議準八旗出場馬駝沿塗不加
管束踐食田禾者兵鞭八十專管官罰俸九月
兼管官罰俸六月副都統罰俸三月領催鞭六
十出口並不在場牧放致有縱逸侵擾者兵鞭
一百專管官罰俸一年兼管官罰俸九月副都

統罰俸六月領催鞭八十照馬駝侵擾之數賠償地主至兵丁強令他人代為牧放及勒索酒食擾累生事者交刑部治罪專管官降一級調用兼管官罰俸一年副都統罰俸九月領催鞭一百革退○雍正三年議準八旗馬駝前往牧場該叅領官員及驍騎校等果加意牧放無有損傷令出牧之副都統點驗如一叅領下馬駝較勝別叅領者將該叅領下各官及驍騎校各

紀錄一次如一旗馬駝肥壯無有損傷該叅領
紀錄二次各官及驍騎校各紀錄一次○又奏
準八旗出場馬駝所有在場各官遇切近喪事
該副都統即令回京有患病者副都統驗實亦
令回京均移咨該旗補人前往至於婚嫁之事
告假者準給一月之限行咨該旗於事竣催令
前往若馬駝於一月二十日之間將次進口其
回京之人均不必赴場若告假各官逾限不赴

場者罰俸一年副都統不察明給假者罰俸六月○又奏準八旗各官奉委出場牧放若逗遛觀望不即前往及到場潛回者皆革職○十三年議準八旗馬駝於出場之時各造具毛齒清冊送部存案俟回京日按冊點驗印烙統轄副都統以該翼之馬駝覈算兼管官以兼管之馬駝覈算專管官以專管之馬駝覈算如十分之內疲瘦各不及三分者免議若疲瘦至三分者

官罰俸九月兵鞭五十四分以上者官罰俸一
年兵鞭六十五分以上者官降一級留任兵鞭
七十六分以上者官降二級留任兵鞭八十七
分以上者官降三級調用兵鞭九十以上疲瘦
分數均就副都統兼管官專管官各名下詳細
分別不準將 在場馬駝通融攤算如官兵希免
議處將馬駝彼此頂換使疲瘦皆不至三分者
官降三級調用兵鞭八十兼管官降一級留任

副都統罰俸一年○乾隆五年奏準八旗出場
馬駝進口日期不必拘定八月九月令兩翼副
都統等視天時冷暖及草枯遲早公同酌定豫
行報部○十六年奏準八旗牧養官馬共二萬
七百七十三匹每匹月給馬乾銀三兩近因

京城豆價皆昂所支銀不敷購買應暫為通融籌
辦請於所牧官馬內酌撥萬匹在京外牧養熟
河撥給馬千匹近京各莊頭撥給馬二千匹此

外七千匹交直隸各標營牧養其熱河及各莊頭草料銀由該副都統內務府會計司官赴戶部支領按月給發直隸各標營就近於藩庫動支如有減剋料草以致疲瘦者該管官交部議處兵丁莊頭嚴行治罪或有倒斃照八旗之例於馬乾銀內按月扣存買補並請

特簡大臣均勻搭配不得槩以疲馬充數如有不肖兵丁乘便將殘廢馬匹私行抵換者一經察出

即將本人從重治罪佐領及都統等一并交部
嚴加議處○十七年奏上年因

京師草豆價昂八旗牧養官馬每月所支馬乾銀
不敷購買經大學士等遵

旨議奏將八旗官馬撥出萬匹交與直隸各標鎮營
並熱河副都統及近京莊頭分領牧養竝次年
草豆價平仍分與八旗官兵牧養察目下

京師草豆較上年價直已減此項馬匹或仍交直

隸等處牧養或遵照原奏留京牧養奉

旨此項官馬前經交直隸各標營牧養臆分既屬充足且聞於該兵丁等亦屬有益著不必交熱河副都統及各莊頭埃回鑾後撥出萬匹皆交與直隸總督仍前分撥牧養○又奏準八旗出場馬駝令兩翼副都統等加意牧養埃水草乾枯應進京時一面奏

聞一面將馬駝陸續趕赴進口○十九年奏準八旗

官駝照官馬例交與直隸總督分給各標營牧
養

一各省牧馬乾隆元年議準陝西甘州提標涼
州西寧肅州三鎮標各設馬場一處每場牝牡
馬千二百匹以游擊一人為總統每場分為五
羣每羣牡馬二百匹牝馬四十匹以千把一人
為牧長外委千把一人為牧副兵十名為牧人
三年均齊一次屆期由總督委官逐場察驗敘

明賞罰具題仍將各場原牧及孳生馬數與應賞應罰之處並各場官兵姓名詳造一冊咨部察覈牧馬兵丁每月給銀三錢於司庫扣貯提鎮建曠項下動支報明戶部需用鍋帳於存營項下撥給所牧馬匹不論牝牡每三匹取孳生馬一匹三年內一羣之馬多孳生一匹以上者為三等賞千把總加一級外委紀錄二次兵每名賞銀一兩多孳生八十匹以上者為二等賞

千把總加二級外委加一級兵每名賞銀二兩
多孳生一百六十匹以上者為一等賞千把總
外委均以應升之官即用兵每名賞銀三兩所
賞銀亦於建曠項下動支呈報戶部如少孳生
二十匹以下者為三等罰千把罰馬五匹外委
及兵各責四十少孳生四十匹以下者為二等
罰千把罰馬七匹外委及兵各責五十少孳生
八十匹以下者為一等罰千把罰馬九匹外委

及兵各責六十如於原牧數內闕少者千把革職罰馬十八匹外委革去頂帶仍各責八十兵責八十所罰之馬歸入馬羣覈算其提鎮游擊統計五羣以為賞罰五羣得賞之游擊加二級提鎮加一級四羣得賞一羣得罰之游擊加一級提鎮紀錄二次三羣得賞二羣得罰之游擊提鎮無庸議賞議罰三羣得罰二羣得賞之游擊擊降一級留任提鎮罰俸六月四羣得罰一羣

得賞之游擊降一級調用提鎮罰俸一年五羣
全罰之游擊革職提鎮降一級調用若於原牧
數內闕少者除將千把罰出馬數補入外餘著
落游擊提鎮各半分賠○四年議準江南地方
潮濕夏秋之際馬繫於槽熱氣薰蒸易致疲瘦
必得閒空之地以飼水草今江寧駐防八旗督
標中左安徽撫標左右提標中左右前後安徽
游兵潛山徽州寧國蕪采廣德廬州泗州江寧

城守左右松江劉河金山柘林青村泰興京口
八旗京口協左漕標中左右廟灣鹽城小關海
州淮安城守東海河標中左以上各營均繫舊
有牧地不必別設只須再為勘定界址毋令越
占其竒兵瓜洲青山溧陽池州蘇州城守右南
匯黃浦平望江陰靖江楊舍孟河掘港三江京
口水師佃湖蕭營以上各營實在騎操馬均在
四十匹以下或在槽餵養或就近牧放無庸設

立場地又蘇州撫標左右福山常州揚州河標
右等營馬匹雖在四十匹以上或該處並無曠
土或分汎差撥難以聚牧應毋庸設立場地其
浦口六安亳州壽春鎮標中左右蘇州城守中
左川沙吳淞太湖左右鎮江崇明鎮標中左右
並竒營狼山鎮標中左右京口隨旗左右京口
協右泰州以上各營實在騎操馬均在四十匹
以上向無牧場均應擇地設立內中浦口崇明

鎮標中左右並竒營繫夏秋半支料乾之營應酌量每馬一匹給草地一畝以供芻秣其餘均繫長年全支料乾之營原無藉放青不過於夏秋酷暑時使其安閑散適應酌量五馬給草地一畝其所需之地均準於各營官基內撥給如無官基即擇民地於朋扣銀內按價買給豁免租糧其肯賣與否聽從民便飭令地方官毋得短價抑勒仍將所撥官基並擇買民地畝數及

豁免租糧造冊報戶部至舊有新設牧地均令
四圍栽柳編籬只留一門出入或四圍掘溝令
兵看守仍四圍豎立限碑倘兵丁牧放越界踐
食田禾不論多寡旗軍鞭一百營兵責四十若
踐食過多應依毀伐稼穡者計贓準竊盜律分
別治罪仍革伍所食田禾追賠給主該管旗營
各官失於覺察者罰俸六月如不能禁飭以致
兵丁馬匹越界踐食田禾者降一級調用倘有

心縱容該管旗營各官革職至江蘇等屬有牧馬草場岡地租及省衛項下羣牧田畝名色見屬民業非繫牧地者仍遵照舊例辦賦各營不得倚占○十三年議準甘州提標涼州西寧肅州三鎮標各設駝場一處每處牝牡駝二百為一羣每羣以千把總一人為牧長外委千把總一人為牧副兵九名為牧人仍委守備一人督率經理以五年均齊一次牧駝兵丁每月給糈

鞋銀三錢均準於司庫建曠項下動支呈報戶部所需鍋帳準於存營項下撥給千把總外委兵丁因邊地游牧較內地不同五年均齊為期久遠應酌定議賞以示鼓勵每牝牡駝百於五年內孳生四十者無庸議賞於額數之外多孳生一駝至十駝者為三等賞千把總紀錄二次外委紀錄一次兵每名賞銀一兩多孳生十一駝至二十者為二等賞千把總紀錄三次外委

紀錄二次兵每名賞銀二兩多孳生二十一駝
以上者為一等賞千把總加一級紀錄一次外
委加一級兵每名賞銀三兩所賞銀由總督於
均齊之年酌動何項於疏內聲明覈給每牝牡
駝百於五年內倒斃二十駝者毋庸議罰若倒
斃逾二十駝之額不論多寡總以續得孳生抵
補其餘再計孳生如少孳生一駝以上者為三
等罰千把總罰俸六月外委及兵各責四十少

孳生十一駝以上者為二等罰千把總罰俸九月外委及兵各責五十少孳生二十一駝以上者為一等罰千把總罰俸一年外委兵丁各責六十至經理守備如千把總外委得一等賞者準其紀錄三次得二等賞者紀錄二次得三等賞者紀錄一次如千把總外委得一等罰者經理守備罰俸一年得二等罰者罰俸九月得三等罰者罰俸六月每屆五年均齊之期由總督

委官前赴各處牧場印烙將數目及牧放官兵姓名分晰造冊叙明賞罰具題至孳生牡駝於五年均齊之後照例配搭孳生其餘牡駝驕割別牧以備撥用再孳生駝內如有老弱不孳生者準其據實呈驗變價所有空闕在於孳生駝內頂補仍算入孳生之數以定功過

一直省營馬順治年間定各省營馬闕額該督撫提鎮或就近買補或報部撥給○六年題準

官員騎坐馬皆繫自備名曰例馬每月照數支
領草料提督準例馬十有五匹總兵官十有二
匹副將八匹叅將游擊各六匹都司守備各四
匹千總把總各二匹至兵丁騎操馬酌量各營
情形或馬步各半或馬四步六或馬三步七或
馬二步八或馬一步九或不設馬皆於奏銷案
內照各營實在數目開造報部察覈知照戶部
銷算草料○八年題準副將以下把總以上每

月於應支銀內扣二錢馬兵扣一錢步兵扣五
分守兵扣三分名曰朋扣存貯營中以備買馬
之用若有餘剩由部覈明於奏銷本內題交戶
部充餉○又題準營馬對敵及追盜賊損失者
免其賠補走脫被竊失者著落本人賠補若倒
斃者每馬以十兩為額令其賠補名曰賠椿每
年遞減一兩至十年者免其賠椿準動支朋扣
銀購買○十六年題準官員例馬提督準二十

匹總兵官十有六匹副將十有二匹叅將八匹
游擊以下仍各照舊數○又覆準將軍督撫提
鎮買營馬者將應買數目報部副將以下買營
馬者呈明該管之督撫提鎮報部○康熙三年
議準江南江西福建浙江湖北湖南四州廣東
廣西雲南貴州等省營馬以三年賠椿過三年
者免直隸山東山西河南西安甘肅以五年賠
椿過五年者免○四年題準三年賠椿之省一

年倒斃本兵賠銀七兩合隊二兩本管官一兩
二年倒斃本兵賠銀六兩五錢合隊一兩七錢
本管官八錢三年倒斃本兵賠銀六兩合隊一
兩四錢本管官六錢三年以後免其賠椿動支
朋扣銀買補五年賠椿之省一年倒斃本兵賠
銀七兩合隊二兩本管官一兩二年倒斃本兵
賠銀六兩五錢合隊一兩七錢本管官八錢三
年倒斃本兵賠銀六兩合隊一兩四錢本管官

六錢四年倒斃本兵賠銀五兩五錢合隊一兩
本管官五錢五年倒斃本兵賠銀五兩合隊七
錢本管官三錢五年以後免其賠椿動支朋扣
銀買補○又題準廣東地方潮濕馬易倒斃賠
椿準照十兩減半一年倒斃賠銀五兩二年倒
斃賠銀四兩五錢三年倒斃賠銀四兩三年以
後免其賠椿○五年題準廣西地方瘴濕馬易
倒斃賠椿照廣東之例○又題準營馬倒斃如

符年限者準用朋扣銀買補若年限不符除照
例賠椿外亦準用朋扣銀買補其價直隸每匹
九兩山東十兩山西八兩河南八兩五錢江南
十有三兩九錢七分江西十有六兩八錢二分
四釐福建二十二兩浙江十有六兩湖北湖南
十有五兩西安八兩廣東二十一兩九錢廣西
二十兩雲南二十一兩八錢貴州二十兩二錢
二分有奇甘肅四川除

貢馬抵補外其不敷之馬甘肅每匹給價八兩四
川每匹給價十有二兩○十一年題準官兵不
扣朋銀者該管官罰俸一年提督罰俸六月無
提督之省總兵官罰俸六月○又題準直省營
馬朋椿奏銷有總督之省由總督題報無總督
之省由巡撫題報在京巡捕營由該叅將呈報
本部察覈奏銷○又題準將軍督撫提鎮標下
各官請買例馬者不得過四百匹○十六年題

準營馬倒斃不報照常支領草料將該管官議

處○二十四年題準山西河南湖北湖南西安

四川等省營馬闕額開數報部移咨甘肅巡撫

將招中茶馬撥給無庸動支朋扣銀

招中茶馬
舊於甘肅

設洮岷河州西寧莊浪甘州五茶馬司及開城
安定廣寧黑水清平萬安武安七監歲遣御史

一人經理康熙七年歸甘肅巡撫
兼理至四十四年停止招中茶馬

○三十七年

覆準四川營馬倒斃停其牽領茶馬準用朋扣

銀買補○四十四年覆準山西河南湖北湖南

西安營馬倒斃原繫朋扣銀買補於康熙二十四年令牽領茶馬補額見今招中茶馬已經議停所有各該省營馬倒斃仍準用朋扣銀買補○四十五年覆準直省營馬倒斃遞年加增必致朋扣不敷買補嗣後如倒斃過多實有冒銷情弊該督撫提鎮即行題叅○四十七年題準營馬倒斃該管官驗明耳尾將倒斃日期出結詳報督撫提鎮一面動朋扣銀買補仍將新馬

價直毛齒領騎兵丁姓名按季造冊報部仍於
年終奏銷由部察覈題覆○五十五年議準營
馬朋椿等冊按季造報繁冗擾累甚屬無益嗣
後統於一年奏銷案內造報一次○雍正元年
題準江南江西福建浙江湖北湖南四川雲南
貴州等省營馬騎過三年倒斃者免其賠椿廣
東廣西二省減半賠椿騎過三年倒斃者亦免
賠椿直隸山東山西河南西安甘肅等省營馬

騎過五年倒斃者免其賠椿均準動支朋扣銀
買補○七年覆準官兵朋扣銀有經督撫提鎮
題奏撥修船及軍裝器械並賞號公務差遣等
事之用者均入於奏銷案內由部察照準其開
銷○又覆準山西河南西安甘肅四省營馬開
報倒斃不得過十分之三○十一年議準直隸
山西河南西安甘肅馬價在十兩之內山東亦
僅十兩均未便以十兩賠椿應以七兩為額如

騎一年倒斃賠椿七兩二年倒斃賠椿六兩以下按年遞減若騎過年限免其賠椿準動支朋扣銀買補○又覆準福建營馬五千七百七十一匹每年準開報倒斃九百三十五匹○十二年議準營馬除口外差遣及在軍前倒斃者皮臟免其變價外江南督標每匹變價一兩五錢提標一兩安徽撫標一兩二錢蘇松撫標九錢二分有奇湖北湖南一兩其餘直省均五錢發

給馬價時將皮臟變價扣除於奏銷冊造報察
覈○又議準買補營馬遵照定價發給不得短
少分釐所買之馬果繫臆壯方準收營如有扣
剋擾累該管官革職計贓治罪若任兵丁以不
堪用之馬充數者該管官降三級調用○又議
準四川營馬照驛馬之例給價八兩○又覆準
廣東營馬五千二百六十六匹每年準開報倒
斃九百二十一匹○又奏準福建廣東營馬開

報倒斃每年各有定數山西河南西安甘肅每
年不過十分之三至直隸山東江南江西浙江
湖北湖南四川雲南貴州開報倒斃數無一定
嗣後均不得過十分之三額外浮開者減去不
準開銷○又議準四川營馬既將原價減去四
兩照驛馬給以八兩所有賠椿銀應照直隸等
省之例以七兩為額按年遞減○乾隆元年議
準武職大小官給有親丁名糧以為養廉此內

有馬糧者若令其備馬則養廉不沾實惠遇草料昂貴且多賠墊公用反致拮据嗣後親丁之馬無庸實備止支領草料以補用度之所不足但此馬原繫營中額數竟不籌及一旦調遣需用難免闕乏應令各官弁照本身應得親丁馬若干匹備價存營俟有需用之時再行購買○二年議準親丁之馬既備價存營則官弁並無實馬餽養嗣後開報倒斃止將兵丁見有之馬

按額開銷如以存價溷入實在營馬額內捏報
倒斃者降一級調用若存價已經買馬準其照
例開報倒斃○九年議準外委千總把總原領
之馬即供騎操原未令其存價遇有倒斃統入
營馬數內開報倒斃動支朋扣銀購買○十五
年覆準廣東馬價因營中公費不足每匹扣存
三兩補公費之所不足應即照扣存之數嗣後
將原價減去三兩以十八兩九錢作為定價報

銷至公費別籌酌增○又奏準廣西馬價每匹
減去三兩以十七兩報銷○是年奏銷營馬直
隸九千六百六十八匹山東三千三百七十七
匹山西五千二百五十五匹河南二千百有一
匹江南五千六百三十八匹江西一千三百八
十九匹福建四千九百八十三匹浙江三千六
百三十四匹湖廣四千四百三十八匹陝西四
萬五千二百九十八匹四川五千五百九十九

匹廣東五千二百六十七匹廣西一千五百十
有一匹雲南五千六百二十五匹貴州三千八
百十有一匹○十六年

諭滇省各營騎操馬匹定例三年以外準報倒十分
之三其額外溢倒之馬從前該督提等皆於朋扣
等項內通融買補並未著賠嗣據該督察出奏聞
仍請從寬免其賠椿經軍機大臣等議令照例按
數賠補但念邊方水土饑養馬匹與他處情形不

同自來通融籌辦相沿已久今若復令賠椿兵丁
未免拮据嗣後滇省馬匹除額定十分倒三按例
分別年限著賠外其溢額倒斃馬匹著加恩免其
賠補椿銀仍照從前通融辦理以示軫卹兵艱之
意若兵弁等因有此旨或致餽養失宜溢倒過多
者該督提等嚴行叅處欽此○二十年議準營馬
價直除直隸山東山西河南江蘇安徽江西西
安甘肅四川等省或僅在十兩以內或據該督

撫察覈實無浮冒無庸議減福建酌減三兩準
以十九兩報銷浙江減二兩準以十四兩報銷
湖北湖南減一兩準以十四兩報銷廣東再減
九錢準以十八兩報銷廣西再減一兩準以十
六兩報銷雲南減三兩八錢準以十八兩報銷
貴州減二兩二錢準以十八兩報銷

一馬禁順治五年定見任文武官及兵丁準其
養馬其餘人等不許養馬○七年議準蒙古馬

來京不許商販私買違者治罪○十二年議準
蒙古馬來京如有商販私買者旗人責成該管
官民人責成五城司坊官嚴行察緝○又議準
蒙古進

貢馬駝之外有多帶願於塗間賣者聽若有通曉
蒙古語言之人前往邊界與蒙古交結並遠相
迎接買其馬駝者交刑部治罪所買馬駝入官
守口官私放此等人出口者革職至蒙古到館

之後未進

貢之先有入館私買

貢馬

貢駝者繫官降一級罰俸一年常人鞭一百如有
搶奪偷盜者無論官民皆交刑部治罪○十五
年題準文武官武進士武舉兵丁捕役等準養
馬以備乘騎均令印烙○十六年題準民人聽
其養馬無庸察禁○康熙元年題準除滿洲蒙

古漢軍及漢文武官武進士武舉兵丁捕役外
其民人違禁養馬者仍照例治罪○三年題準
民人違禁養馬者責四十板失察之該管官罰
俸一年○又覆準官員解送軍前馬匹沿塗應
加謹餵養不許漫不經心以致疲瘦若疲瘦三
匹以下者免議十匹以下者罰俸三月二十匹
以下者罰俸六月三十匹以下者罰俸九月四
十匹以下者罰俸一年五十匹以下者降一級

留任六十匹以下者降一級調用六十匹以上者革職○又題準軍需馬匹有交與州縣餽養者若有疲瘦照解送軍前馬匹例計數議處○十年題準民人仍準養馬無庸察禁○十二年題準民人養馬仍行禁止○又議準在京旗人私往外省販馬繫正戶將該佐領驍騎校罰俸一年領催鞭五十繫僕人伊主有官者罰俸一年常人鞭一百該管佐領等免議於馬販名下

追銀十兩給拏首之人仍交部治罪至在外駐防各官不呈請該將軍都統等移咨本部私遣家人來京買馬者罰俸一年○十五年題準大小官弁將自畜馬匹勒令營伍收買多取價直者照貪官例革職提問○又題準親王出征準帶馬四百匹郡王三百匹貝勒二百匹貝子百五十五匹鎮國公百匹輔國公八十匹不入八分鎮國公七十匹輔國公六十四匹將軍八十四匹副

將軍七十匹護軍統領前鋒統領副都統各六
十匹署護軍統領署前鋒統領署副都統各四
十匹前鋒叅領護軍叅領驍騎叅領署護軍叅
領署驍騎叅領一等侍衛護衛各三十五匹散
秩官前鋒侍衛二等侍衛護衛各二十五匹委
署官三等侍衛護衛各十有八匹護軍校驍騎
校各十有二匹署護軍校署驍騎校各八匹護
軍領催各六匹驍騎各四匹內閣學士與副都

統同侍讀學士與叅領同侍讀與散秩官同筆
帖式與驍騎校同多帶者不準○又題準督撫
提鎮差遣官役買馬若於票外多買及攜帶商
販私買者許經過地方官察拏不察拏者降一
級留任差遣之督撫提鎮罰俸一年○十六年
議準姦匪圖利將馬在賊境接壤販賣與賊者
不論官兵民人各照律治罪該管官兵知情故
縱者以同謀論失察者文職州縣官武職專汛

官皆革職提問道府及兼轄官皆降五級調用
該管總兵官降三級調用督撫提鎮降三級留
任若販馬之人由本汛拏獲文武各官皆免罪
將拏獲之官議叙十名以上者紀錄一次多者
照數紀錄五十名以上者加一級百名以上者
加二級其不繫本汛有能盤獲十名以下者紀
錄一次十名以上者加一級二十名以上者加
二級三十名以上者加三級四十名以上者加

四級五十名以上者不論俸滿即升百名以上
越升一級即用拏獲販馬之人將所獲之馬盡
行賞給○二十九年題準民人養馬無庸察禁

○三十一年奉

旨一應馬匹永行禁止宰殺貨賣交與步軍統領及五
城司坊官察拏○又議準偷盜八旗官兵馬者分別
匹數治罪其牧馬之人自行盜賣者亦照偷馬
賊治罪至屯莊居住旗人賣馬者令上稅準賣

民人既準養馬彼此買賣皆所不禁或驛站買用或兵民買用令報明本處地方官上稅準其買賣不上稅者照例處置○又覆準八旗官兵屯莊牧養之馬被偷失主即時報該營汛官兵帶領兵丁追緝到交界地方交與鄰近營汛官弁接遞追緝獲賊官每案紀錄一次兵於賊名下每匹追銀一兩給賞若失主呈報該營汛官弁不即領兵追緝鄰境不即接遞追緝者官每

案降一級罰俸一年兵責二十板○又覆準向來各省買馬均先在部領票經過地方文武官驗票放行如有姦匪將私馬附入票內影射行走難於稽察嗣後各省將軍督撫提鎮等若須買馬令豫先報部本部暫停給票聽其往各口及

京城照數購買買到之日由部印烙然後給票票內注明馬數並所往該省路徑令經過地方文

武官將票內馬數及本部印烙驗明放行若無
本部印烙及馬比票內數多者察拏治罪如經
過文武官不行察拏文官交吏部議處經過地
方之專汛官罰俸一年○又議準

京城內外旗民收獲逸失馬駝者不許隱匿變賣
即日呈報該管官送部由部交館所監督餵養
仍移咨八旗並牌行五城有認領者開明逸失
日月及毛色口齒繫旗人取具佐領印結繫民

人取具地方官印結由部察對毛色口齒相符
準其認領如過一月無人認領交館所監督變
價解交戶部○三十二年覆準買賣馬匹者止
令買馬之人上稅地方官計價收納至於州縣
買補驛馬兵丁買補營馬雖為公用其中恐有
影射亦令照例收稅其收過稅銀歲終造入奏
銷冊內報部察覈○三十五年覆準直省購買
營驛馬匹除赴各口及

京城者由部印烙給票外若赴鄰境省分就近購
買該督撫提鎮豫行移會赴買地方之督撫地
方官照例收稅仍印烙給與照票以憑沿途稽
察○三十九年覆準偷盜之馬經過地方該官
弁無從知繫偷盜之馬所有職名免其察叅該
官弁能拏獲偷馬賊者每案紀錄一次拏獲之
人每匹向賊追銀一兩給賞○四十二年奏準
八旗官兵因公事領騎官馬宜申明禁令令加

意照看不許倒斃遺失但不立定章程辦理恐難畫一嗣後領騎各該處先將官兵及佐領姓名並應領馬數造冊送部由部照冊編立印單注明給馬旗分領馬時各該處出具印領交該管官赴部親投由部察對相符給與印單照數領騎回京時領馬官兵將馬交還原給旗分如有未交還者該旗將領馬官兵及佐領姓名開明咨部由部行文各該處限兩月交還若馬有

倒斃遺失逾兩月之限尚未賠補由部叅奏將
倒斃遺失馬匹之人繫官罰俸一年兵鞭八十
不催追之都統等及該管各官罰俸六月領催
鞭五十仍著本人賠補倘再逾兩月仍不賠補
將倒斃遺失之人繫官降三級留任完日開復
兵鞭一百都統及該管各官罰俸一年領催鞭
八十仍著本人賠補其因公事領用官駝者亦
照此例行○又奏準八旗官兵因公事領騎官

馬給馬旗分該佐領別作記號印烙於回京交還時照原印烙記號驗收若領騎之官兵欲將好馬留用詐稱倒斃遺失賠補後其原印烙記號之馬經本人認出將領騎官兵照偷馬例治罪○五十三年覆準各省販馬人等暗結將軍督撫提鎮親屬將疲瘦不堪用之馬坐索高價不肖文武官弁代為壓勒甚至無驛站之州縣並管步兵之頭領亦行勒索應令將軍督撫提

鎮嚴察禁止若有此等情弊即指名題叅從重
議處倘徇隱不叅經部察出或被科道察出將
該將軍督撫提鎮一并從重議處○五十四年
覆準餵養軍需馬匹疲瘦五十匹以上者將府
道罰俸三月百匹以上罰俸六月百五十匹以
上罰俸九月二百匹以上罰俸一年二百五十
匹以上降一級留任三百匹以上降一級罰俸
一年○雍正三年奏準八旗兵丁所養馬駝如

有疲瘦不堪用者鞭五十該佐領驍騎校罰俸三月叅領副叅領罰俸一月若並不餽養冒領錢糧者鞭一百革退冒領錢糧追繳該佐領驍騎校罰俸一年叅領副叅領罰俸六月○八年議準騾馬聽民人畜養無容察禁至驢馬為營驛之所必需除八旗人等及漢文武見任候選候補官文武進士舉人生員武童準其畜養外其餘民人一例察禁見在畜養之驢馬各令變

賣近京二百里以內者由戶部照時價收買撥
與八旗畜養二百里以外及各省地方由州縣
官照時價收買以補營驛闕額均不許假察禁
之名留難扣剋以致擾累民人○九年

諭前據旗臣奏請禁止民間畜養騮馬比時發與大學
士九卿會議準行頃聞不許畜養騮馬民間有不便
之處著不必禁止仍照舊畜養該部即通行曉諭並
行文各省知之欽此○十年題準八旗馬駝有私賣

與人者繫官革職兵鞭一百革退該管官不能
察出罰俸六月該管都統等罰俸三月○十三
年覆準八旗馬駝每年出場牧放其佐領下留
京之馬原備緊要差遣必待本部印文方準撥
用若官員以私事乘騎駝載者罰俸九月○乾
隆三年覆準八旗官兵因公事領騎馬駝宜令
大員監看察禁弊端嗣後於給馬駝時該旗副
都統一人前往稽察○六年奏準大小官員將

自畜馬匹抑勒營伍收買多取價直若經營驛
據實詳揭該督撫提鎮不題叅者照徇庇例議
處詳揭之營官以應升之官即用督撫提鎮失
察者罰俸一年○十二年奏準

盛京地方嚴禁朝鮮收買大馬原有深意今朝鮮
國人來京往往私買大馬帶回應令左右兩翼
嚴禁不許朝鮮購買並令山海關等口嚴行察
拏若通事人等圖利代為購買察出一并治罪

○十四年奏準

京城八旗所需馬全在兩翼購買關口官弁遇商
販人等持有兩翼印票者立即放行毋得禁阻

欽定大清會典則例卷一百十九

欽定四庫全書

欽定大清會典則例卷一百二十

兵部

車駕清吏司

郵政上

一置郵直隸順天府屬潞河和合榆河涿鹿漁
陽固節三河河西楊村順義密雲石匣站居庸
保定府屬金臺涇陽白溝宣化汾水翟城歸義

河間府屬東光瀛海樂城阜城鄭城富莊連窩
天津府屬新橋甌河流河乾寧楊青奉新正定
府屬恆山陘山鎮寧關城伏城西樂元氏順德
府屬龍崗中邱廣平府屬滏陽臨洺叢臺永平
府屬七家嶺灤河灤陽蘆峯口遷安榆關宣化
府屬多倫諾爾蔚州大寧村宣化雞鳴深井堡
滹沱店萬全懷安西城東城長安趙川鵬鷄龍
門榆林土木赤城雲州易州屬清苑上陳涑水

香山倒馬關遵化州屬遵化石門楊樊義豐定
州屬永定趙州屬鄆城槐水共八十二驛軍站
昌平城迴龍觀南口城陰涼崖青龍橋東八里
店土木宣化城響水堡雞鳴榆林堡沙嶺堡枳
兒嶺懷安城太平莊左衛城夏堡共十七站熱
河道屬熱河喀喇河屯八溝塔子溝四旗共五
站古北口管站部員屬鞍匠屯紅旗營十八里
臺坡賴村王家營共五站

盛京屬沙河東關寧遠高橋小凌河十三山廣寧
小黑山二道井白旗堡巨流河嚴千戶屯法庫
舊邊

盛京噶布拉村薩爾滸穆奇十里河東京狼子山
甜水連山關通遠堡薛裏鳳凰城懿路高麗堡
開原共二十九驛○吉林屬蒙古豁羅葉赫葉
爾蘇阿爾灘額默爾伊巴旦刷煙伊爾們搜登
吉林烏喇額赫穆拉法推屯伊什鄂莫賀索洛

塔拉畢爾罕河沙蘭寧古塔錦珠鄂佛洛舒闌
發忒哈登格爾者庫蒙古卡倫拉林多渾薩庫
立飛克圖色勒佛特庫弗斯亨富拉渾崇古爾
庫鄂爾豁穆索苗嘎山三姓城蒙古兒河拖來
招孫查包速速毫色席伯舍里白都訥共三十
九站○黑龍江屬年忻速速波爾吉哈查布起
爾鄂多爾圖布拉克查哈河朔胡闌吳蘭諾爾
古魯他喇哈鄂漢多鼐溫拖渾鄂漢忒穆德黑

村齊齊哈爾城塔哈爾村寧年鄂漠拉哈阿拉
博爾敦喀穆尼喀伊喇哈鄂漠默勒根城科羅
洛河喀爾他里希河庫穆勒山額葉勒庫河黑
龍江共二十六站呼倫布俞爾屬西勒圖恩齊
起蒙果爾烏克楚奇赫尼巴木雅爾波和圖庫
爾克特門都克雅克薩吉爾馬臺共十臺○山
東濟南府屬安德驛安德水驛良店梁家莊譚
城龍山鎮晏城劉普桃園崗山長城克州府屬

南城新嘉昌平邾城界河滕陽臨城萬家河橋
新橋開河荆門東昌府屬清源渡口魚邱崇武
荏山清陽太平甲馬營泰安府屬東原安山崔
家莊銅城舊縣新泰楊柳店沂州府屬沂水徐
公店蘭山李家莊郟城紅花埠塚莊蒙陰青州
府屬青社金嶺鎮萊州府屬灰埠登州府屬黃
山鎮共五十驛○山西太原府屬永寧鳴謙賈
令盤陀同戈臨汾成晉凌井平陽府屬霍山建

雄普潤蒙城侯馬瑞石仁義大同府屬上盤鋪
安銀子甕城西安山陰馬廠太白廣靈朔平府
屬廣武潞安府屬漳澤余吾禡亭汾州府屬玉
亭吳城青龍汾陽洪善義棠蒲州府屬河東樊
橋澤州府屬太行星軹長平喬村平定州屬甘
桃平潭太安芹泉柏井忻州屬九原康家會代
州屬鴈門沙澗原平開泥絳州屬涑川解州屬
泓芝遼州屬南關沁州屬沁陽權店共五十五

驛軍站平刑廣武水泉三岔五寨神池利民大
同聚樂天成陽和左雲高山右玉威遠平魯井
坪寧武寧化偏頭老營八角共二十二站○河
南開封府屬清潁管城大梁陳留雍邱圃田永
新郭店索亭廣武歸德府屬蔡邱高邱寧城會
亭太邱石榴堽彰德府屬鄴城宜溝衛輝府屬
衛源新中崇寧亢村淇門廩延懷慶府屬覃懷
武安武陟寧郭河陽河南府屬周南首陽洛口

函關蠡城義昌南陽府屬赭陽宛城博望林水
湍陽涅水保安汝寧府屬信陽明港遂平確山
西平許州屬許州臨潁鄆城新城陝州屬甘棠
硤石桃林鼎湖盧氏光州屬長潭共五十七驛
○江蘇江寧府屬六合金陵江東龍江江寧大
勝雲亭龍潭江淮東葛崇邑蘇州府屬姑蘇平
望常州府屬毘陵錫山鎮江府屬炭渚京口雲
陽淮安府屬山陽淮陰清口清河桃源古城揚

州府屬江都界首孟城邵伯廣陵儀徵高郵寶
應安平徐州府屬邳州趙村房村東岸利國桃
山泗亭峒崕村鍾吾共四十有二驛○安徽安
慶府屬練潭同安陶衝呂亭青口小池楓香池
州府屬青陽東流貴池銅陵太平府屬采石櫓
港荻港廬州府屬金斗派河護城店埠三溝梅
心鎮巢高井鳳陽府屬睢陽大店百善夾溝濠
梁王莊紅心定遠池河張橋固鎮滁州屬滁陽

大柳寧國府屬公館共三十有六驛○江西南
昌府屬南浦奉新劍江新城瑞州府屬高安南
康府屬安義星子建昌九江府屬潯陽龍城彭
蠡通遠德安南安府屬南埜小溪橫浦贛州府
屬攸鎮烏鎮吉安府屬廬陵白水白下五雲臨
江府屬清江金川玉峽廣信府屬車盤共二十
有六驛○福建福州府屬三山大田茅原白沙
水口黃田弘路蒜嶺泉州府屬晉安康店錦田

深青大輪建寧府屬太平城西葉坊營頭司建
溪長平太安興田裴村公館小關柘浦人和公
館延平府屬劍浦大橫茶洋滄峽王臺白蓮三
華雙峯富屯汀州府屬臨汀館前三州石牛平
西九龍玉華明溪藍屋永定興化府屬莆陽楓
亭邵武府屬拏口樵川杭川杉關漳州府屬丹
霞甘棠雲霄平南江東南詔臨漳直隸龍巖州
屬適中共五十八驛○浙江杭州府屬武林吳

山浙江會江嘉興府屬西水皂林寧波府屬四
明車廐紹興府屬蓬萊東關西興姚江曹娥嵎
縣新昌台州府屬白嶠桑州金華府屬雙溪澗
水華溪湖州府屬苕溪衢州府屬上航廣濟亭
步嚴州府屬富春桐江溫州府屬象浦西臯處
州府屬括蒼青田丹峯共三十一驛○湖北武
昌府屬將臺東湖山坡官塘鳳山港口咸寧嘉
魚漢陽府屬孝感楊店黃陂漢陽安陸府屬荆

山建陽麗陽石橋石城豐樂郢東襄陽府屬漢
江呂堰鄆城德安府屬安陸應山平靖關雲夢
黃州府屬蘄陽西河齊安李坪羅田陽邏浠川
巴水雙城廣濟黃梅停前孔壠荊州府屬荊南
孱陵孫黃宜都松滋澧市宜昌府屬建平白沙
東湖歸州巴東火峯口共五十一驛○湖南長
沙府屬長沙善化寧鄉益陽南岸黃茅湘陰大
荆歸義橋頭岳州府屬岳陽青岡長安雲溪衡

州府屬臨蒸黃堡祁陽排山常德府屬府河大
龍桃源新店鄭家河池辰州府屬界亭辰陽馬
底船溪山塘沅州府屬懷化羅舊沅水便水晃
州永州府屬零陵澧州屬蘭江清化順林共三
十八驛○陝西西安府屬順義京兆渭水白渠
店張新豐建忠豐原漆水同州府屬潼關華山
潼津鳳翔府屬長寧岐陽汧陽隴州岐周陳倉
東河鳳泉漢中府屬柏林黃壩漢陽開山馬道

青橋松林草涼三岔畱壩武關梁山順政黃沙
大安延安府屬定邊金明撫安文安千谷乾州
屬威勝邠城永安邠州屬新平宜祿邠州屬邠
城三川翟道雲陽綏德州屬青陽義合銀川奢
延石嘴河西榆林府屬魚河歸德榆林共五十
八驛○甘肅蘭州府屬清水定遠沙井洮陽沙
泥窰店鳳林定羌和政蘭泉摩雲慶平秦州屬
長寧清水秦州秦安禮縣徽縣兩當平涼府屬

高平瓦亭安定荔家堡瓦雲白水隆城涇陽靈
台永寧三營李旺鞏昌府屬隴西寧遠伏羌西
河延壽稗鈎西鞏通安保寧青家乾溝郭城通
渭三岔酒店岷山西津慶陽府屬彭原弘化華
池焦村寧夏府屬在城王鎡大壩靈州同心紅
山清水興武安定花馬池橫城平羅甘州府屬
甘泉仁壽山丹新河硤口沙河東樂沙井撫夷
涼州府屬武威大河靖邊古浪黑松懷安柔遠

水泉永昌直隸肅州屬黑泉高台酒泉臨水雙
井鹽池深溝西寧府屬冰溝老鴉嘉順平戎西
寧朝天堂擺羊戎向陽直隸階州屬階州文縣
成縣小川殺賊臨江莊浪廳屬松山平城寬溝
三眼井塘坊南大通紅城苦水西大通通遠平
番武勝岔口鎮羌西路廳屬渠口寧安沙泉中
衛營盤勝金關長流水三塘水安西府屬布隆
吉柳溝安西瓜州小灣沙州肫搭井甜水井惠

回堡赤金湖赤金硤靖逆共一百三十有七驛
○四川成都府屬漢州陽安龍泉錦官新都保
寧府屬劍門武連劍州柳池溝神宣問津昭化
敘州府屬隆昌永寧普市赤水河重慶府屬榮
昌永川長壽朝天白市來鳳夔州府屬萬縣雲
陽奉節水橋雅州府屬雅安百站清溪泥頭沈
村烹壩打箭鑪綿州屬綿州魏城羅江德陽梓
潼瀘州屬納溪林坎江門資州屬資州南津內

江忠州屬墊江梁山崇慶州屬新津邛州屬白
鶴天全州屬榮經共四十九驛○廣東廣州府
屬安遠西南五仙肇慶府屬壽康崧台麟山南
雄府屬凌江始興浚陽韶州府屬芙蓉共十驛
○廣西桂林府屬城南東江白雲大龍古祚三
里平樂府屬昭潭龍門梧州府屬府門藤江共
十驛○雲南雲南府屬楊林滇陽板橋曲靖府
屬松林炎方霑益倘塘馬龍易隆南寧三岔白

水多羅古城威寧可渡共十有六驛○貴州貴陽府屬皇華新增龍里鎮遠府屬鎮遠偏橋安順府屬坡貢郎代安莊威清平壩普利都勻府屬清平平越府屬酉陽興隆楊老重安江思州府屬青溪玉屏南籠府屬阿都田白沙關上寨楊松劉官屯亦資孔共二十四驛貴陽府屬貴定站鎮遠府屬施秉站平越府屬黃平站安順府屬清鎮站安平站普定站鎮寧站南籠府屬

列當站確子窰站共九站

一郵符順治初年題準勘合火牌內填注奉差
官役姓名並所給夫馬車船廩給口糧數目如
填注遺漏罰俸六月應用硃筆用墨筆者罰俸
三月○二年題準文武各官奉

旨馳驛者夫船馬匹照例填給其有

恩禮優崇者酌量奏請加增夫以八十名船以二隻
馬以十有八匹為率○又題準文武各官奉差

帶有盔甲軍器者加馬一匹○又題準外國

朝貢入京夫馬船廩糧按人數方物多寡給與勘

合回日領有

勅書者加馬一匹有

賜物者酌量給車○又題準運同運判同知通判奉

調督餉隨征及府佐教職等官應聘隔省考試

者均給勘合馬三匹不用馬者每馬準折夫三

名水路船一隻夫六名○又題準初選雲貴四

川甘肅之知州知縣通判都司守備自京赴任者均給勘合馬二匹夫八名水路船一隻夫六名司府首領州縣佐貳雜職衛所千總自京赴任者均給火牌六七品者馬二匹八九品未入流者馬一匹水路船一隻不支廩給如繫升任補任非初選者不給○又題準雲貴會試舉人廷試貢生均給火牌每名馬一匹驢一頭不支廩給回日仍準換給○又題準直省督撫提鎮等

每年將用過部頒勘合火牌造具清冊題報到日分送部科察覈有違例者叅處○又題準應給勘合各官在京由部填給在外由該省驛傳道按照品級填給至赴任各官有例應給勘合者該員已經領用後因搬接家眷復行請給者不準○七年題準雲貴舉人貢士停止給驢只給馬一匹○又題準在京一品至九品在外文職道以上武職游擊以上在任在差病故者均

給勘合京官一品至五品外官道游擊以上陸路夫十有六名馬四匹京官六品以下陸路夫十有二名馬二匹水路各給船一隻○又題準直省齎奏人等皆用部頒火牌司驛官驗明方準應付如有自發牌票索取夫馬者不準應付違者部科察叅與受同罪○十二年議準勘合內廩給一品官給銀二錢二品官一錢八分三品官一錢六分四五品官一錢四分六七品官

一錢二分八九品官一錢火牌內口糧每分給銀五分以錢折銀者照時價合算○又議準勘合內各官從役及八旗各官親隨兵每人各給口糧銀五分○十二年題準文武各官隨征陣亡者均給勘合文職七品以上武職四品以上陸路夫十有六名馬四匹文職八品以下武職五品以下陸路夫十有二名馬二匹水路各給船一隻○十三年題準官員奉差者一品官從

役七名馬十匹二品官從役六名馬八匹三品
官從役五名馬七匹四品官從役四名馬六匹
五六品官從役三名馬五匹七八品官從役二
名馬三匹庫使通事領催從役一名馬二匹兵
丁馬一匹○十七年題準廣西省文職八品以
下武職五品以下在任病故者均給勘合送其
骸骨回籍陸路夫十有二名馬二匹水路船一
隻○康熙五年題準駐防官兵從陸路行者所

有應帶之馬沿途每宿給空草歇餒處給草料
若無馬者每四人給車一輛無車處每車折給
夫四名○又題準駐防官兵往江寧京口杭州
者給船福建廣東等處者濟寧以北給車濟寧
以南給船○十年題準雲貴四川三省病故文
武官照廣西例給與勘合○又題準一品至九
品奉差各官帶有

詔勅節冊者均加馬二匹○十一年題準雲貴舉人

初中進士回籍者準照原來火牌給與驛馬○
又覆準督撫提鎮有本章並公務例應馳驛者
準用部頒勘合火牌司驛官驗明方準應付有
私用驛遞夫馬並差遣家人兵役私發牌票索
取夫馬者皆降二級調用司道副將以下各官
私發牌票索取夫馬者降二級調用該管之督
撫提鎮失察者降一級畱任如督撫提鎮及司
道副將以下各官之家人兵役並無牌票倚勢

索取夫馬本官察出拏究者免議至私發牌票
司驛官不加盤詰即行應付者革職將私發牌
票據實詳報者令其離任以應升之官即用若
司驛官已將私發牌票詳報督撫提鎮及該管
上司容隱不揭叅者皆降二級調用駐防將軍
都統以下各官私用驛遞夫馬及私發牌票者
照此例議處○又題準督撫提鎮每年所用勘
合火牌由部編號給發兩江閩浙湖廣陝西兩

廣雲貴各總督繫兼管兩省及漕運總督均給
火牌二十張直隸總督蘇州安慶浙江湖北湖
南西安甘肅各巡撫均給火牌十有八張山東
山西河南江西福建廣東廣西雲南貴州各巡
撫均給火牌十有六張甘肅提督給勘合十張
火牌四張直省提督各給火牌四張總兵官各
給火牌三張奉天府尹直省學政各給火牌四
張鹽政各給火牌二張至管驛傳之司道所用

卷一百二十四
勘合火牌難定額數於將用完時約計一年應用若干請部給發以上給發勘合火牌該督撫衙門及管驛傳司道動用者由該督撫於年終造冊奏銷提鎮動用勘合火牌造冊送總督奏銷無總督省送巡撫奏銷如未曾動用將見存勘合火牌數目咨部奉天府尹火牌彙入

盛京兵部造冊奏銷學政鹽政有動用火牌者於年終造冊奏銷由部彙齊察覈一本題覆○又

題準勘合火牌多填馬一匹者罰俸六月二匹
罰俸一年三匹降一級調用六匹以上降二級
調用十匹以上降三級調用○又題準官員將
不應給驛之人濫給勘合火牌或多支驛站錢
糧者降一級調用如多支隨即扣解者罰俸六
月○十三年題準八旗文武各官奉差者應分
別緩急給與勘合尋常緩差一品官從役七名
馬十匹二品官從役六名馬八匹三品官從役

五名馬七匹四品官從役四名馬六匹五六品
官從役三名馬五匹七八九品官從役二名馬
三匹庫使領催前鋒護軍各項執事人從役一
名馬二匹驍騎馬一匹此內文職左副都御史
通政使大理卿詹事照二品官例四五品京堂
翰詹衙門贊善檢討以上各官科道郎中照三
品官例員外郎主事鳴贊照四品官例內閣典
籍中書司務司庫照六品官例筆帖式不論品

級照八品官例若繫急差一二品官從役四名
馬六匹三四品從役二名馬四匹五品以下從
役一名馬二匹庫使領催前鋒護軍各項執事
人驍騎馬一匹至於應帶親隨兵公侯伯領侍
衛內大臣都統前鋒護軍各統領滿洲副都統
不得過三名大學士內大臣尚書左都御史子
蒙古漢軍副都統不得過二名散秩大臣侍郎
左副都御史學士通政使大理卿詹事王府長

史叅領男副叅領前鋒侍衛佐領皆一名每名
給馬一匹○又題準齋進本章用小匣裝盛不
得過十斤若送冊籍用馬馱載不得過六十斤
違者司驛官據實申報照例議處○十五年議
準督撫提鎮特叅貪官巨憝及具題大計軍政
薦舉奏銷錢糧等事準用火牌一張填馬二匹
如同駐劄一城同日拜發者統用火牌一張亦
止填馬二匹其餘尋常事彙至三件以上封固

由驛站遞送倘事簡衙門填及三件者亦封固
由驛站遞送倘違例專差填用火牌者部科覈
叅照多填馬匹例議處○又議準奉差官役由
部於所給勘合火牌尾後將騷擾驛遞多索夫
馬車船及不鈐印信處分之例兼錄清漢字一
紙黏貼交接處所用印鈐蓋奉差官役照數支
取並無騷擾多索經過司驛官即於黏貼紙內
填注應付數目用印鈐蓋有騷擾多索者一面

申報督撫指名題叅若奉差官役無經過司驛
官印信鈐蓋及司驛官不即鈐蓋印信者皆照
例議處○十六年題準文武各官自一品至九
品升選赴任及鹽差稅差夫馬車船均不準給
鹽差稅差齋

勅人所騎之馬亦不準給○又題準恭遇

車駕巡幸扈從官兵人等所用之馬由部於八旗官
馬內奏明撥給至各處有需用驛站車馬者由

部詳覈定例相符照咨撥給入於每月所用車馬數內繕摺奏

聞若定例向無開載者照各處具奏之數撥給倘不及具奏準照例先行撥給仍令補奏或在沿途或在

駐蹕處馬有倒失損傷者具奏換給不及具奏者準照數換給亦令補奏○又題準部院各衙門一應差遣不論緩急先將緣由奏明奉

旨後知照本部給勘合火牌若不具奏移咨取用者
不準至例應給者仍照舊行○又題準奉差官
役若應付飯食不準重支廩給口糧應付廩給
口糧不準重支飯食其緊要急差飯食廩糧皆
準支給○二十二年題準鹽差稅差夫馬車船
永不準給此外文武大小各官各照例給與勘
合火牌○又題準八旗官兵前往駐防除近京
百里以內者無庸給車外其餘由部給與沿途

車票將軍都統車八輛副都統七輛協領及三
品等官五輛佐領及四品等官四輛防禦及五
品等官三輛驍騎校筆帖式及六品等官二輛
領催驍騎斫手匠役人等一輛○又題準八旗
官兵前往駐防將軍都統準帶馬五十匹副都
統四十匹協領及三品等官三十匹佐領及四
品等官二十匹防禦及五品等官十五匹驍騎
校筆帖式及六品等官十匹領催驍騎斫手六

匹匠役人等三匹由部移咨戶部給與沿塗草料如馬數多者止照定例支給少者照實數支給○又題準八旗官兵前往駐防將軍都統準帶家口四十人副都統三十五人協領及三品官三十人佐領及四品官二十人防禦及五品官十四人驍騎校筆帖式及六品官十二人領催驍騎礮手七人匠役人等五人均由部移咨戶部給與沿塗口糧如家口數多者止照定例

支給少者照實數支給其前往在近京百里以內者不給口糧○又覆準廣西初選文武官自京赴任者照雲貴四川甘肅之例給與勘合火牌○二十六年題準八旗文武各官奉差者分別緩急給與勘合除前往江西福建浙江湖南西安甘肅四川廣東廣西雲南貴州等遠省仍照康熙十三年定例遵行外其前往直隸

盛京山東山西河南安慶蘇州湖北等近省者尋

常緩差一品至六品官所有從役各減二名馬
各減二匹七八九品官從役各減一名馬各減
一匹若繫急差一二三品官從役各再減一名
馬各再減一匹四五六品官馬各再減一匹七
八九品官從役止一名馬止二匹不必再減○
二十八年覆準驛傳道私發牌票違例支取夫
馬者革職○三十年覆準雲貴廣西四川文職
八品以下武職五品以下有丁憂休致裁汰降

調卸事後五月內病故者照在任病故例給勘
合送其骸骨回籍過五月者不準至領憑前往
雲貴廣西四川未經到任在此四省地方病故
或由此四省升往別省在此四省地方病故者
報明地方官轉詳督撫亦準給勘合其犯罪革
職病故者不準○又題準奉天將軍及

盛京各衙門公事所需勘合火牌皆於

盛京兵部取用每年由部給發勘合火牌各二十

張文貯備用其用過數目該部於年終造冊奏銷至

盛京

三陵掌關防官由部各給發火牌三張遇有應用之時該管關防官將用過緣由數目報

盛京兵部察覈彙入該部一案奏銷○又題準吉林黑龍江將軍給發勘合火牌各十張其餘各處將軍給發勘合火牌各四張專城副都統給

發勘合火牌各三張如有公事用過勘合火牌
年終將用過緣由數目造冊奏銷○三十一年
議準直省文武各官及駐防將軍都統副都統
有慶賀表箋不許專差齋送擾累驛站有總督
省分彙入總督衙門恭進無總督省分彙入巡
撫衙門恭進至奉天吉林黑龍江將軍慶賀表
箋專差恭進其所屬各副都統彙入各該將軍
衙門恭進○三十四年議準公事差遣有應撥

兵護送者照勘合火牌之例給與兵牌以憑沿
塗察照應付其私事一槩不準撥兵各督撫提
鎮一年撥過兵若干名詳開護送緣由於年終
造冊報部察覈彙題○又覆準官員解送內外
錢糧均給勘合同知通判馬三匹州縣及佐雜
等官馬二匹不給廩給口糧其齎送

陵寢祭品

御用之物並解鄉試卷進京者亦照此給勘合○又

題準各關差解送稅課除擡銀人夫照數給火牌護送兵丁酌量給兵牌其驛馬槩不準給○

三十八年奉

旨侍衛內監等騎驛馬者給飯食不必給廩糧○又題準雲貴廣西四川文職八品以下武職五品以下各官病故骸骨若無親僕有同鄉之人可以帶回者該督撫察明給勘合○三十九年覆準奉差官役有例應撥兵護送者由部給以兵牌

亦照勘合火牌之例並給尾單兼錄清漢黏貼
兵牌之後於交接處用印鈐蓋令沿途營汛官
驗明照數撥兵即於尾單內填明並無多索亦
無遲誤字樣用印鈐蓋若有藉稱緊急將兵牌
不與驗看額外多索擾累者該營汛官毋得鈐
蓋印信據實揭報本部叅奏繫官革職繫役杖
一百多索兵一名者官降三級調用役杖八十
二名者官降四級調用役杖九十三名以上者

官革職役杖一百倘並無兵牌詐索護送兵者
該營汛官一面申報該督撫一面報部有職者
革職無職者審究治罪至奉差官役並無擾累
多索營汛藉端遲延不即鈐蓋印信者許官役
據實申報將該營汛官降一級調用○四十五
年覆準給發勘合火牌將應經由之州縣驛站
並中道東道西道填注明白如奉差官役不遵
勘合填注繞道行走除該官役照例處分外將

首先濫應官一并議處○又議準自京奉差往各省官員人等及外省奉差來京者所用夫馬船車數目奉差緣由並勘合火牌內填注廩糧若干於每月終繕摺彙奏○五十一年覆準督撫司道家人私騎驛馬及因事騷擾需索者司驛官即報部叅奏若徇庇不報或由部察出或被入首告督撫司道並濫應司驛官一并議處○又覆準一應奉差官役所領勘合火牌兵牌

事竣即行繳銷如遲延三日以外不繳銷者察
出官罰俸三月役答五十○五十五年奉

旨督撫提鎮有緊要奏摺差千總等官或差兵丁或差
家人齋進者每一次止許用馬二匹○又議準駐防
官兵所帶之馬除近京之直隸山東山西河南

盛京綏遠城察哈爾游牧等處均無庸於中塗歇
餽外其駐防廣州準在山東兗州府江西南昌
府各歇餽二十日福州準在江南揚州府浙江

杭州府各歇餽二十日成都涼州寧夏準在山
西太原府陝西西安府各歇餽二十五日西安
準在山西太原府歇餽二十五日荊州準在河
南衛輝府歇餽二十五日江寧京口杭州準在
山東兗州府歇餽二十五日吉林黑龍江春李
準在

盛京歇餽二十日冬季準在

盛京歇餽三十日○又議準

盛京寧古塔因公事差遣騎自己馬匹來京者由部移咨戶部給與十日口糧如在京候部題覆者給與二十日口糧回日每馬日給空草一束若繫牧場馬匹日給料二升○雍正元年

諭驛站關係重大經朕屢加嚴諭然其間積弊難以盡詰有在官之累有在民之累如直隸山西差徭更為浩繁雖驛馬足數亦供應不敷乃內而兵部外而驛道於給發馬匹時官吏通情受賄往往所給浮於勘

合之數且行李輜重皆令驛卒乘馬背負多至八九人不等所到州縣以見馬換馬向有舊例不敢詰問至督撫提鎮經過之處更惟命是從嗣後照勘合之外有敢多給一夫一馬者許前塗州縣即據實揭報都察院以聽糾叅如甲縣容情不揭而乙縣揭報者並甲縣一并治罪其督撫提鎮騷擾驛遞者皆照此例庶少蘇在官之累至若河南山東諸省離京稍遠謂耳目易欺每驛額設馬匹不過十存三四其草料

工食仍照舊開銷且逐年詳報倒斃侵蝕買補之價
差使一至則照里科斂將民間耕種牲畜強令當差
令其自備物料跟隨守候種種累民尤屬不法著該
地方督撫將所有驛站逐一徹底清察闕額者勒令
補買至科斂民間牲畜尤當勒石永禁違者即從重
治罪欽此○又覆準將軍督撫提鎮以下各官如有
家人衙役擅騎驛馬需索驛遞財物令司驛官
申報上司該上司即行指叅如容隱不叅將該

上司照徇庇例議處○又奏準營汛額兵原為
操防而設除頒

詔遣祭解運

御用之物及奉差官領有

勅印並解運餉銀段疋等項押解人犯均給發兵牌

撥兵護送外其餘升任赴任或尋常事奉差及

駐防官挈帶家口行走者均不準給發兵牌○

又議準督撫提鎮及駐防將軍都統等有緊要

奏摺準差人馳驛用馬不得過二匹若以尋常
奏摺擅差人馳驛者察叅照例議處○二年覆
準奉差官役騷擾驛站者許司驛官申報如司
驛官應付遲誤亦許奉差員役申報若已經申
報而督撫不叅及失於覺察者照例議處○四
年議準各省巡察官一年之內遍經所屬地方
按照品級給勘合沿途有驛站者照例應付無
驛站者地方官酌量應付其駐劄之處準日支

廩給口糧○又議準官員無論內地口外凡有一年差遣者給勘合照各省巡察官之例行○又議準奉天將軍及

盛京五部府尹各衙門齎送

陵寢祭品並一應本章及關繫地方緊要之奏摺每年進貢之物均用勘合火牌其餘不準○又奏準

駐防官兵家口歸旗該管官將家口實數出具保結呈報該將軍都統等填注勘合給與車船

口糧交與押送官兵約束回京如有在塗病故
逃走者報地方官出具印結黏在勘合之上其
口糧即行住支如家口數目不符多領口糧者
該旗覈叅將開報不實之駐防佐領防禦驍騎
校降一級調用協領叅領罰俸一年將軍都統
等罰俸六月押送官多領口糧者照多支廩給
例議處若家口在塗生事將約束不嚴之押送
官降一級調用○又議準三品以上官準給引

馬二匹包馬四匹四五六品官引馬一匹包馬
二匹七八九品官引馬一匹包馬一匹無職人
等包馬一匹其包不許過六十斤違者照例議
處○六年議準八旗奉差各官給馬雖有定例
但口外軍臺原與內地不同所有馬駝自應酌
減方於軍臺有益嗣後一品官應給馬十匹者
止給六匹二品官應給八匹者止給五匹三品
官應給七匹四品官應給六匹者均止給四匹

五六品官應給五匹者止給三匹七八九品官
應給三匹者止給二匹庫使領催前鋒護軍各
項執事人等應給二匹者止給一匹驍騎照舊
給一匹此內文職左副都御史通政使大理卿
詹事照二品官例四五品京堂翰詹衙門贊善
檢討以上各官科道郎中照三品官例員外郎
主事鳴贊照四品官例內閣典籍中書司務司
庫照六品官例筆帖式不論品級照八品官例

至於包馬馱載行裝勢所必需但口外無善於
背包之人嗣後三品以上官給駝二隻六品以
上官給駝一隻七品以下官及無職人等給馱
馬一匹引馬親隨兵之馬自一品以下各官均
停止不給○又議準漕運總督於糧船過淮之
後押尾趲運北上經過州縣驛上水給夫不得
過八十名下水給夫不得過五十名所有用過
夫數造入奏銷冊內報部察覈○十年議準督

撫有會審察勘等事在該管境內行走不由部
給發勘合者所需夫役臨時酌用不許過六十
名道府及直隸州下縣盤察及各官奉督撫差
委盤察者酌用夫役不許過三十名○十三年
議準奉差官役所帶之包不許過六十斤首站
應付包馬時稱準斤數無浮於應付簿上注明
鈐印每夜住宿之驛司驛官再加察驗亦於簿
上注明某驛驗過並無重包字樣若有過六十

斤者稱出斤數詳報重至七十斤者官降一級
調用役杖六十再有重者每十斤加一等重至
百斤以上者官革職役杖一百倘司驛官明知
重包故為徇隱不報經下站察出將徇隱官一
并議處○又議準解運銅鉛在三十萬斤內者
準撥護送兵十二名若銅鉛數有增減撥兵亦
酌量增減押解人犯每犯撥護送兵二名其隨
行妻子不在撥兵之例或有重大要犯妻子亦

應撥兵護送者該督撫臨時酌增仍將緣由報部察覈至解運餉銀及各項物料數目不能豫定所有撥兵護送之處該督撫酌量辦理均於兵牌內明白登注○又議準奉天將軍齋進本章每次差官一人領催驍騎各一人準用馬四匹五部尋常本章每月一次交直月之部委官同領催彙送並載本章車馬及引馬共準用七匹府尹及稽察御史齋進本章或差役或差家

人每次準用馬一匹○又議準駐防將軍都統副都統等因齎進本章用火牌者一張止準填馬二匹惟吉林寧古塔黑龍江等處地處口外路途遙遠該將軍都統副都統等齎進本章準差正副二人每人準帶從役一人如有官物需人背負者於火牌內注明緣由倘違例多用照多填馬匹例議處○乾隆四年奉

旨覽兵部所奏驛站月摺由奉天三處移住京師之

新滿洲索倫烏喇齊等接取家眷照馳驛例應付
廩給口糧夫賞給伊等驛馬原繫特恩接取家眷
乃伊等私事非奉差可比復應付廩給口糧殊覺
太過嗣後有似此告假接取家眷者止準應付驛
馬○又議準巡漕御史駐劄淮安濟寧者陸路給
馬水路給船駐劄天津者給船不給馬駐劄通
州者馬船皆不給如有公事巡行將坐糧廳船
撥用至廩給口糧均一例支領○又題準巡漕

御史所用船若州縣驛並無額設者按道塗遠
近每里折價銀三分交該御史雇覓民船該督
撫將折給價銀造入驛站案內奏銷○六年奏
準奉差官役執有勘合火牌藉稱緊急不與司
驛官驗看騷擾驛遞多索夫馬車船者司驛官
毋得鈐蓋印信一面將騷擾多索情由揭報本
部並都察院據揭叅奏將騷擾驛遞者繫官革
職繫役杖一百多索馬一匹車一輛船一隻者

官降三級調用役杖八十馬二匹車二輛船二隻者官降四級調用役杖九十馬三匹車三輛船三隻者官革職役杖一百至每馬一匹不用者止準折夫三名若多索夫一名者官降一級調用役杖六十二名者官降二級調用役杖七十三名以上者官降三級調用役杖八十六名以上者官降四級調用役杖九十九名以上者官革職役杖一百如奉差官役多索夫馬車船

司驛官容隱不揭經下站揭報將容隱官照徇情例議處若並無勘合火牌詐索夫馬車船司驛官一面詳報該管督撫題叅一面報部有職者革職無職者審明治罪駐防各官有騷擾多索者照此例議處○又奏準奉差官役並無騷擾多索司驛官藉端遲延不即鈐蓋印信者許官役據實申報將司驛官照稽遲應付例議處○又奏準督撫提鎮將不應撥兵護送之事私

發牌票擅行撥兵及私騎營馬者降二級調用
至司道副將以下各官私發牌票擅行撥兵及
私騎驛馬者降二級調用失察之該管督撫提
鎮降一級畱任○又奏準在京大小各官奉

旨出差者均給與勘合公侯伯大學士尚書左都御
史廩給一分從役七名口糧七分馬十匹水路
船一隻夫十四名侍郎學士廩給一分從役六
名口糧六分馬八匹水路船一隻夫十二名左

副都御史宗人府丞通政使大理卿詹事均照

侍郎學士例應付鑿儀使廩給一分從役五名

口糧五分馬七匹水路船一隻夫十名太常光

祿太僕卿及少卿大理少卿順天府尹府丞左

右通政

乾隆十年裁右改左
為通政副使後同

叅議鴻臚卿少卿

侍讀學士侍講學士侍讀侍講修撰編修檢討

少詹事庶子諭德洗馬中允贊善祭酒司業給

事中御史郎中廩給一分從役五名口糧五分

馬七匹水路船一隻夫十名內閣侍讀員外郎
主事庶吉士都察院經歷廩給一分從役四名
口糧四分馬六匹水路船一隻夫八名內閣典
籍中書中書科中書舍人司務廩給一分從役
三名口糧三分馬五匹水路船一隻夫八名大
理寺正寺副評事太常寺博士通政使司鑾儀
衛各經歷國子監監丞詹事府主簿欽天監監
正太醫院院使均照此應付翰林院典簿國子

監博士助教光祿寺署正典簿太常寺寺丞典簿欽天監監副太醫院院判鑾儀衛各官廩給一分從役二名口糧二分馬三匹水路船一隻夫六名翰林院待詔孔目司經局正字國子監典籍學正學錄鴻臚寺鳴贊主簿序班欽天監五官正主簿太常寺贊禮郎祠祭署奉祀太醫院御醫吏目均照此應付以上各官有不用馬者每馬一匹準折夫三名此內欽天監各官奉

差者加馱羅經時辰香馬一匹太醫院各官奉
差者加馱藥馬一匹其一品至九品各官如有
奉

特旨馳驛者即照出差例應付廩給口糧均不支○
又奏準總督自京赴任者給勘合夫二十二名
馬七匹巡撫提鎮自京赴任者夫二十名馬六
匹水路各給船一隻廩給口糧均不支如督撫
提鎮奉調來京奉有

特旨馳驛者照此應付○又奏準在京各官奉差提督學政赴任者給勘合侍郎學士以上及左副都御史宗人府丞通政使大理卿詹事夫二十二名馬七匹太常光祿太僕各卿大理少卿左右通政侍讀學士侍講學士少詹事祭酒夫二十名馬六匹鴻臚卿太常太僕各少卿侍讀侍講庶子諭德洗馬夫十八名馬四匹通政使司叅議光祿鴻臚各少卿修撰編修檢討中允贊

善司業給事中御史夫十六名馬三匹以上各
官水路各給船一隻廩給口糧均不支○又奏
準司道副叅游等官有奉

特旨馳驛者給勘合布政使按察使馬七匹副將馬
五匹道馬六匹叅將馬四匹游擊馬三匹不用
馬者按馬折夫水路各給船一隻廩給口糧均
不支○又奏準衍聖公

朝賀入

覲襲封來京者給勘合馬十匹不用馬者按馬折夫水路船一隻五經博士

朝賀來京者給勘合馬五匹不用馬者按馬折夫水路船一隻廩給口糧均不支○又奏準在京各官出使外國封王給一品服色者照一品例給勘合○又奏準八旗文武各官奉差者或繫緩差或繫急差不必分別近省遠省所有應減馬數照康熙二十六年議定之例行○八年奏

準駐防各官因老病告休並候補承襲歸養回京者車輛口糧仍照原去之數給其降調回京者照所降之級給革職者照驍騎例給至官兵骨殖家口回京由水路行者原有按數給船之例若由陸路行者作何給車例無開載嗣後官員骨殖每一具給車一輛每家口六人給車一輛兵丁骨殖每一具算家口一人合算四人給車一輛如無骨殖仍每六人給車一輛○十年

覆準從前山海關外未有驛站是以設立官兵
傳遞軍務此臺馬之所自起迨後已經設立驛
站所有官兵遂為沿塗防汛之用乃奉天將軍
等遇有奏摺仍騎官兵之馬未免苦累嗣後該
將軍有緊要奏摺照例準騎驛馬若尋常奏摺
自備脚力不許擅騎官兵防汛之馬○又奏準
八旗文武各官奉差者皆照品級給以勘合馬
匹廩糧各有定數惟內府三旗武職各官與八

旗武職品級懸殊其應得馬匹廩糧例無開載
是以辦理互異嗣後凡內府三旗武職各官奉
差者按其實在品級給與以昭差等○十二年
奏準

欽差大臣前往山西河南察覈軍政察哈爾等處點
驗盔甲軍器本部隨往之司官筆帖式照例給
與八旗官馬不得用驛馬○十八年奏準恭遇
車駕巡幸一應扈從人等需用車馬除在八旗官馬

內撥給及由京雇備長車外尚有由驛站支取應用者若不豫定章程沿途不免騷擾按各衙門所有冊籍行裝均自行雇備車馬馱載惟內閣理藩院向由驛站應付事不畫一嗣後應請停止又本部向有隨營馬三十匹帳房印箱等項即用此馬馱載嗣後亦自行雇備將隨營馬酌留二十四匹以待緊急差遣他事不準擅用至欽天監候時之博士等騎馬準於八旗官馬內

撥給更鼓車準於順天府支領長車武備院匠
役騎馬準於八旗官馬內撥給均不許驛站應
付鑾儀衛校尉署史騎馬載駕衣車例應按站
分班更換向繫本部館所槽頭帶票在驛站支
取每多需索嗣後槽頭不許前往即於該衙門
扈從官內遴委一人持票支取應用並不得令
校尉署史私到驛站更換車馬致滋弊竇違者
照例責懲○十九年奏準駐防各官赴任皆接

品級給與車馬口糧及草料除車輛口糧各處
例皆畫一無庸置議外惟馬匹一項江寧京口
杭州福州荊州西安寧夏涼州成都廣州及寧
古塔黑龍江等十二處向有中塗歇餽之例至
乍浦莊浪及拉林吉林白都訥三姓渾春默爾
根齊齊哈爾胡蘭呼倫布俞爾等處同一道遠
駐防又例不歇餽事不畫一旦駐防各官挈家
眷按站行走於中塗並不住歇是以江寧等處

向來請領歇餵草料者亦屬稀少應將中塗歇餵馬匹之例停止○二十年覆準雲南貴州四川廣西甘肅五省初選文職知州以下武職都司以下原有給與勘合赴任之例但見在月選文武各官均準借支養廉路費已屬充裕所有勘合填給馬船之例請停止

一驛費原定驛站歲需夫馬工料修造車船廩給口糧及棚鋤鞍屨柴薪燈油藥材雜支所有

各項錢糧約計應用之數各於該省田賦內照
數編徵直隸額徵銀六十八萬五千八百六十
三兩九錢五分有奇米二千四百十有五石六
斗豆九千四百二十四石八斗麥麩二千六百
九十二石八斗山東銀三十萬三千六百四十
四兩五錢七分山西十有八萬一千九百二十
八兩七錢八分河南五十八萬二千六百二十
一兩七錢四分江蘇十有九萬一千三百三十

七兩六錢安徽十有三萬五千九十八兩二錢
江西十有八萬二百八十五兩二分福建六萬
五千六百五兩六錢五分浙江十萬九千五百
三十九兩五錢二分湖北二十萬七千六百二
十七兩四錢三分湖南十有四萬一千九百九
十五兩六錢七分西安二十六萬一千七百十
有二兩六分甘肅十有三萬七千二百五十五
兩八錢一分米七千七百三十二石九斗八升

五合豆二千一百五十八石二升草八萬五千
七百六十六束四川銀五萬八千四百五十二
兩二錢二分廣東三萬四千五百五十三兩一
錢二分廣西三萬五百四十五兩二分雲南四
萬六千五十四兩四錢五分貴州七萬四千八
百九十一兩三錢六分各有奇用有存剩及或
有裁減報部充餉○順治八年題準各省驛站
錢糧支用數目該管驛傳道於歲終彙造清冊

呈報該撫覈明具題由部察覈奏銷○又題準
本部館所監督於滿司官內遴選一人指名奏
補三年一次更代所有歲需夫馬車及各項錢
糧令其經管每季將應用數目造報車駕司覈
明具彙請咨戶部支領據實給發應用如馬有
闕額疲瘦及夫車短少將該監督劾叅○十年
覆準直省驛站錢糧責成驛傳道令各州縣將
支用款項造具清冊呈送由該道覈明彙報該

撫具題至田賦項下額徵驛站錢糧將經徵州縣官完欠數目明白登注以憑分別考成○康熙六年題準各省驛站有於常例之外動用錢糧者由該撫報部覈給若因兵馬動用者由該督報部覈給○又題準各省驛站錢糧奏銷統限次年五月內具題造冊分報部科察覈○又題準驛站額徵並協濟錢糧以及抵兌等項均作十分考成將夫馬工料修造車船廩給口糧

雜支雇募價直造冊共為一疏於次年五月具
題逾限照例議處○七年覆準驛站夫馬小建
截曠皮臙變價等項各該撫察明扣存以濟撥
補衝繁驛站不敷之用○十一年題準

盛京歲需驛站馬價銀二千二百六十四兩廩給
車價銀七千九十六兩九分由戶部給發司驛
官造具支用清冊呈報

盛京兵部侍郎具題由部察覈奏銷吉林歲需驛

站馬牛價銀四千三百六十五兩一錢廩給銀
五百兩黑龍江歲需驛站馬牛價銀三千五百
六十五兩廩糧銀千兩均由戶部給發各司驛
官造具支用清冊呈報各該將軍具題由部察
覈奏銷○又題準各省驛站奏銷冊每省造一
省總每府造一府總以節年存剩為舊管以額
設實徵為新收以夫馬車船各項工料及廩給
雜支雇募價直為開除以本年支用存剩及建

曠皮臟變價並節年存剩為實在一府各為一本然後將州縣驛逐一分晰務與府總相符府總務與省總相符至災蠲一項原繫戶部題準所有驛站項下應蠲細數均於驛站奏銷案內聲明以憑本部移咨戶部如果相符即為察覈題覆○又題準驛站每年扣存建曠皮臟變價並各項存剩銀由部於奏銷後移交戶部充餉如有衝繁驛站不敷及災蠲闕額者轉咨戶部

撥給○十二年題準張家口歲需驛站銀三千
三百十有九兩四錢七分米八十六石四斗豆
千四百四石草二萬一千六百束由戶部給發
司驛官造具支用清冊送部察覈奏銷○又題
準喜峯口歲需驛站銀五千一百四十三兩七
錢二分八釐獨石口歲需驛站銀一千一百三
十八兩五錢六分豆八百六十一石六斗均由
戶部給發各司驛官造具支用清冊喜峯口由

熱河副都統咨送獨石口由古北口提督咨送
由部察覈奏銷○十四年議準司驛官藉口錢
糧應付不敷私令民間幫貼者降三級調用○
又議準經管驛站上司將應給錢糧不照數實
給者照貪官例議處○又議準驛站錢糧如夫
馬車船工料價直以及雜支等項不但各省不
同卽一省之中亦有多寡及本色折色不等此
皆因地制宜自當永遠遵守不得任意增減嗣

後奏銷冊內分晰開造毋許籠統不分致滋朦
潤○十五年議準驛站錢糧各裁十分之四充
餉○二十年奉

旨前因錢糧匱乏驛站錢糧裁減四分今著準復二分
○三十四年題準本部館所額設車馬等夫每
名月給米九斗鹽菜銀四錢五分○四十二年
議準口外驛站錢糧皆司驛官豫先支領若不
存貯在官私借與人圖利者革職交刑部治罪

○又議準由賦項下編徵買馬價銀停其專案
題報統入驛站案內奏銷如價有存剩移交戶
部充餉○五十二年題準吉林驛站錢糧管驛
官管理三年報滿果無廢弛侵扣等弊由將軍
察覈保題以該員應升之官即用○雍正元年
奏準

盛京驛站錢糧司驛官正副二人協同管理三年
報滿果能整飭並無廢弛侵扣等弊

盛京兵部戶部會同巡察官察覈保題以該員應
升之官即用如三年內廢弛侵扣即會同題叅
交部議處○十一年議準各省驛道經管驛站
錢糧凡有收放各數並支銷款項隨時移會藩
司每年奏銷時仍將該年出入與節年存剩銀
一并造冊移會藩司逐一覈對相符即具盤察
清楚印結報部考覈其每年奏銷奉部題覆之
後該撫接到部咨即行知藩司備案○又奏準

喜峯張家獨石等口驛站錢糧令司驛官管理
三年一次更代○十三年奏準本部館所驛馬
停支本色每馬日給草料銀六分七釐五毫每
馬月給馬價藥材銀二錢五分以備買補醫治
之用每馬歲給雜支銀三兩二錢四分以備鞍
屨槽鏹棚廠等項之用駕輦馬照驛馬例支給

○乾隆二年奉

旨各省草銀每馬一匹河南湖南皆五分浙江江南

皆六分山西則四分五分不等該省地狹民稠人多服賈不若江浙等省之舟楫往來到處可通商販是以草料價直平時昂貴而又當秦蜀之衝差使絡繹所有額支銀除去鞍屨各項雜支外每馬一匹實支銀不過二三四分不等以致各州縣咸藉口價直不足累民採辦甚或從中漁利弊竇叢生閭閻受其擾累所當酌量變通者著將山西驛站草料銀照江南浙江之例每馬加足六分至鞍

卮各項雜支仍照常例毋庸議加嗣後養馬料草
悉照時價採買如有絲毫擾累小民者嚴叅治罪
朕因山西情形如此特降諭旨他省不得援以為
例○十二年覆準直隸四方輻輳差使繁多既有
分塗猝辦之勞又有抽調協濟之事原與他省
不同一應開銷全在隨時酌劑驛站項下原編
徵六十八萬五千八百六十餘兩節年裁減實
用僅三十六萬餘兩嗣後總以實用之數酌劑

支應若支應果在數內準其開銷○十五年奏
銷驛站錢糧除節年裁減銀米豆草等項歸戶
部充餉外直隸見額銀三十九萬六千二百六
十二兩三錢九分有奇米二千四百十有五石
六斗豆九千四百二十四石八斗麥麩二千六
百九十二石八斗又車價二千四百兩車馬夫
工料銀六千一百十有六兩五錢二分坐臺官
役廩糧銀五千九百兩

車價廩糧各別
為一本奏銷

盛京見額銀二千六百六十四兩廩給車價銀七
千九十六兩九分山東見額銀十有九萬一千
三百七十六兩一錢七分山西見額銀十萬五
千八百三十一兩一錢七分河南見額銀二十
八萬八千九百二十九兩八錢一分江蘇見額
銀十有六萬五千七百五兩三分安徽見額銀
九萬八千八百十有八兩五錢二分江西見額
銀十萬九千九百四十三兩一錢一分福建見


額銀三萬二千九百十有二兩九錢一分浙江
見額銀六萬五千七百二十三兩七錢一分湖
北見額銀十有八萬五千十有九兩一分湖南
見額銀十有二萬一百九十四兩一錢七分西
安見額銀十有六萬五千八百九十兩五錢四
分甘肅見額銀十有三萬一千四十六兩五錢
一分米七千二百二十七石五斗七合豆一千
九百二十九石六斗草七萬五千六十束廣東

見額銀二萬七百三十一兩八錢七分廣西見
額銀一萬五千二百十有九兩三錢八分各有
奇雲南見額銀二萬六千五百四十一兩四錢
五分四川貴州仍照編徵原額以上各直省支
銷若有存剩均於奏銷後移交戶部充餉張家
口除裁減外實領銀一千五百三十五兩四錢
九分米八十四石九斗六升豆一千二百七十
四石四斗草二萬一千二百四十束喜峯口除

裁減外實領銀四千五百三十兩三錢五分獨
石口除裁減外實領銀一千一百二十一兩四
錢六分豆八百四十七石五斗六升至吉林黑
龍江均仍照原額支領若有存剩於奏銷案內
聲明畱抵下年之用○十八年奏準本部館所
監督有經管錢糧之責止用滿司官一人辦理
恐難周到應增設漢監督一人協同辦理於漢
司官內擬定正陪引

見補用○又奏準本部館所原設驛車等馬二千匹
節年裁減千一百五十匹見存八百五十匹內
除車馬一百五十匹屢因供應不敷尚需五城
司坊雇募不必裁減至驛馬七百匹雖差使最
繁之時曾用二百餘匹以及四百九十匹不等
然約計尚可裁二百匹以二馬一夫計之可裁
夫百名所有夫馬裁減錢糧照數扣存毋庸支
領○又奏準黑龍江驛站繫委筆帖式領催同

管所有部給關防繫支領錢糧之用向來交與
領催執掌體制未免倒置嗣後交與筆帖式專
掌領催協辦凡支領驛站錢糧由筆帖式鈐用
以專責成



欽定大清會典則例卷一百二十